

11. maj 2014

UPA 2014/169
Saxtorph Didriksen

Issittoq atomip nukinganik atuiffiunngitsoq pillugu politikkimik suliniuteqaqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Sara Olsvig, Inuit Ataqtigiit)

Siumumiit siullermik nunatsinni nukissiuteqarnermik ingerlatsinerput nunarsuarmioqatigiinnut maligassiuisoq tulluusimaarutigalugu oqaatigissagatsigu tassalu ataavartunik erngup nukinga iluaqutigalugu illoqarfiit sisamaasut ullumikkut allaat sarfarnik ataavartumik pilersorneqalernikuusut tamattaalluta tulluusimaarutigigut qularutiginginnatsigu.

Siumumiillu erseqqissassuarput nunatsinni atomip nukinganik innaallagissiornermut nunami maani atuilernissatsinnik siunissaq eqqarsaatigalugu nunatta ineriartornera innaallagissiuteqarnikkut maanna ajunngilluinnartumik ingerlasoq atomip nukinga atorlugu ingerlataasinnaasut eqqarsaatigalugit pilersaaruteqannginnatta Inuit Ataqtigiit tulli Siumumi isumaqaratta nunatta atomip nukinganut tunngasunik atuilinnginnisatsinnut soorlu tamanna Naalakkersuisut akissuteqaataanni erseqqittoq.

Aammalu nunat issittumiittut atomip nukinganik atuisut soorlu Aqqartartunik aammalu umiarsuarnik sikusiutinik atomip nukinganik ingerlateqartunik pillit Siumumiit sinnerlugit oqariartorsinnaangilagut atuinnaarluinnaqqullugit.

Taamannak naatsumik oqaaseqarluta Siumumiit Sara Olsvig Inuit Ataqtigiit siunnersuutaanut ilaliinngilagut.